



## Agathe Fontain, Inuit Ataqtigiit

### Meeqqanut inuusuttuaqqanullu suliniutit pillugit § 37 naapertorlugu apeqqt nr. 6 2016 pillugu

Asasara Agathe Fontain

Meeqqanut inuusuttuaqqanullu suliniutit pillugit apeqqtinnut qujanaq.

Akissutikka tullinguuttuni takuneqarsinnaapput.

19-01-2016  
Suliap nr.: 2016 - 363  
All.  
nr. 1922343

Postboks 260  
3900 Nuuk  
Oqarasuaat (+299) 34 50 00  
All (+299) 34 66 66  
E-mail: [inin@nanoq.gl](mailto:inin@nanoq.gl)  
[www.naalakkersuisut.gl](http://www.naalakkersuisut.gl)

#### 1. Upernaamut Inatsisartut ataatsimiinnissaannut Naalakkersuisut Meeqqanut Inuusuttuaqqanullu Inatsisissaq saqqummiunniarpaat?

Meeqqanik Inuusuttuaqqanillu ikiorsiisarneq pillugu Inatsisartut Inatsisissaat 2016-imi ukiakkut ataatsimiinnermi saqqummiunneqarnissaa Naalakkersuisunit piareersarneqarpoq.

#### 2. Meeqqat ukiuannut pilersaarutit suuppat?

Meeqqanut ukiorititamut 2016-imut tunngatillugu naalakkersuisoqarfiit akornanni pilersaarusiortuni sulineq naammassippat pilersaarutit Naalakkersuisunit saqqummiunneqassapput.

Ilutigalugu ilisimatitsissutigineqarsinnaavoq meeqqanut inuusuttunullu tunngasuni qitiusumik siunnersuisarfimmik pilersitsinissaq Naalakkersuisunit 2015-imi sulissutigalugu allartinneqarmat. Siunnersuisartoqarnermi anguniagaavoq meeqqat inuusuttullu pillugit suliaraqfimmik kommunit siunnersorneqartarnissaat ilitsersorneqartarnissaallu. Siunnersuisarfiup kommunit oqaloqatigisassavai aamma kommunini pi-sortat sullissisullu qanoq aqqissuussaannerminnik pitsanngorsaasassanersut qanorlu oqartussaaffimmi inatsisitigut isumaginninnermilu piginnaanngorsaasassanersut siunnersortassallugit.

Isumaginninnerup iluani pingaartumik meeqqanut inuusuttunullu tunngatillugu nakkutiliinerit annertusineqarnissaanut aningaasanut inatsit aqutugalugu 2016-imi ukiunilu missingersuusiortifiusuni annertunerusumik aningaasaliisoqarpoq. Nakkutiliisarnert pitsanngorsaaffiginissaat ataavartussanngorlugit aqqinniarneqarpoq taamaasiornikkullu siunertarinearluni kommunit aqutsineranni ajornartorsiutaasartut siusinaartumik paasineqartarnissaat iliuseqarfigineqartarnissaallu. Ilutigalugu nakkutiliinerit aqutugalugit kommunini isumaginninnikkut suliassat piginnaasat suli-sullu eqqarsaatigalugit qaffassarneqassapput.

#### 3. Aningasanik immikkut qinnuteqartoqarniarpa?

Meeqqanut inuusuttunullu tunngatillugu AI2015-imit AI2016-imut aningaasanik nuutsisoqarsimavoq. Taamaasilluni meeqqat ukiuat 2016-imi pisussat aningaasaliissutini sinaakkusiussat iluanni ingerlanneqarsinnaanissaat Naalakkersuisunit naatsorsuutigineqarpoq.

Ilutigalugu ilisimatitsissutigineqarsinnaavoq Qaasuitsup Kommuniani meeqqat inuusuttullu immikkut suliniuteqarfigineqarnissaanut 5 mio. kr. pallillugit Naalakkersuisunit atugassanngortinneqarmata.

Med venlig hilsen  
Inussiarnersumik inuulluaqqusillunga

**Martha Lund Olsen**

